

U G O V O R

Br 0602-2283-6/19

Nabavka usluga interneta oglašavanja u svrhu promovisanja preduzeća

UGOVORNI ORGAN: KJKP «POKOP» d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004

DOBAVLJAČ: „Nekros” d.o.o. Posušje, Fra Grge Martića 4, kojeg zastupa direktor Vice Jukić (u daljem tekstu: Dobavljač)
ID broj: 4272421460005.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog direktnog sporazuma javne nabavke – zahtjeva za dostavljanje ponude broj 0602-2283-3/19 od 13.06.2019. godine – Nabavka usluga interneta oglašavanja u svrhu promovisanja preduzeća, prihvaćene ponude Dobavljača broj 0602-2283-4/18 od 18.06.2019. godine i Odluke o odabiru ponuđača, broj 0602-2283-5/19 od 19.06.2019. godine.

PREDMET UGOVORA

Član 2.

Predmet ovog Ugovora je nabavka usluga interneta oglašavanja u svrhu promovisanja preduzeća i to:

- oglašavanje od 0-24 sata na period od 12 mjeseci;
- baner 240x200px i 760x195px i 146x547,50px;
- objavljivanje smrtovnica;
- promocija grobalja u vlasništvu KJKP „Pokop” d.o.o. Sarajevo.

UGOVORENA CIJENA

Član 3.

Ugovorena cijena za usluge iz člana 2. ovog Ugovora iznosi:

Cijena usluga koja su predmet ovog Ugovora bez PDV-a iznosi 5.799,97 KM

Dobavljač nije u sistemu PDV-a.

Cijene za vrijeme trajanja ugovora ostaju ne promjenjene.

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom dobavljaču plaćati u 12 (dvanaest) mjesečnih rata u roku do 7 (sedam) dana nakon prijema uredno ispostavljene fakture za izvršenu uslugu, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i biti će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Ponuđač se obavezuje da će usluge definisane Članom 2. ovog Ugovora vršiti od 0-24 sata na period od 12 mjeseci od dana obostranog potpisivanja Ugovora od strane ovlaštenih lica ugovornih strana.

UGOVORNA KAZNA

Član 6.

U slučaju kašnjenja u izvršenja usluga do kojeg je došlo krivicom odabranog Dobavljača isti će platiti ugovornu kaznu u skladu sa Zakonom o obligacionim odnosima u iznosu od 1‰ naručene usluge za svaki dan kašnjenja do urednog ispunjenja s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Odabrani dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjanja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

OBAVEZE DOBAVLJAČA

Član 7.

Pored obaveza predviđenih važećim propisima, Dobavljač je posebno dužan da usluge iz Člana 2. ovog Ugovora izvrši stručno i kvalitetno, u svemu prema datoj Ponudi

OBAVEZE UGOVORNOG ORGANA

Član 8.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 9.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješavanje spora nadležan je sud u Sarajevu.

ZAVRŠNE ODREDBE

Član 11.

Na sve što nije određeno ovim Ugovorom, primjenjuju se odredbe Zakona o obligacionim odnosima.

Član 12.

Ovaj Ugovor se stupa na snagu danom obostranog potpisivanja Ugovora, od strane ovlaštenih lica ugovornih strana.

Član 13.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

U znak prihvatanja svih prava i obaveza iz ovog Ugovora, ugovorne strane ga svojeručno potpisuju.

UGOVORNI ORGAN:

KJKP „POKOP“ d.o.o. Sarajevo



direktor, Goran Cerić




Broj, 0602-2283-6/19

Sarajevo, 20.06.2019. god.

DOBAVLJAČ:

„Nekros“ d.o.o. Posušje

NEKROS
d.o.o. Posušje


direktor, Vice Jukić

Broj, _____/19

Posušje, 24.6.2019. god.